

度

支

奏

議

度支邊餉奏議序

國家九塞基置一切糧穀茭藁皆取
資屯田復以鹽筴募人入粟實塞
下其法蓋相表裏又慮不足捐沿
邊郡邑賦稅佐之度所以裕兵食
者甚具未聞仰給太倉者太倉之
有年例自正統始也於時烽火不

靖徵調寢煩然猶僅四十六萬石
是屯鹽諸政稍稍蕪廢矣而民運
又輒不及格邊吏倚太倉爲外府
蟻穴旣開不可復窒蠶食者因以
爲窟兵則土著之外又有召募餉
則饋士之外又有賞夷而究之兵
屬芻靈餉填廬壑太倉之金錢日

夜輦輸以給諸鎮武夫債帥飽則
颺去徒益市良田美宅歌兒舞女
自媮快而已天下無事處堂以嬉
猝有風雲之警則耽耽疾呼以求
遂所欲陵夷至

神

烹兩廟時出入大不相當瓶罄壺空

肘露踵夾所負各邊餉額歲不下
一二百萬嗟夫財猶泉也必無以
汨焉徐清無以擾焉徐生斃而漂
之猶鬼不繼今也不徒酌之以中
衢之尊而且歸之于沃焦之洩其
日相尋以底于盡何怪乎

聖天子中興銳意安攘嚴承乏度支

日鉤考錢穀簿書惟恐不能副

上指會插酋發難轉餉不貲因集

廷議獵其有裨實用者如汰冗賦役

奇羨事例諸欸見之施行約歲可

增數十萬而嚴復推本周官太宰

制國用之意用屢省法以繩郡邑

吏之怠若事者一時差有補救出

入相準見額麤足間以其防備
連一二實念年以來所僅見也已
已之冬虜薄城下勤

王兵四至左枝右梧暨秦晉兵荒
征西討轉輸絡繹咸徼天幸未
乏絕終嚴之任脫巾無聞則繫

二祖

列宗之鍾鼓實式靈之老臣無狀
鼠之技亦盡于此矣同事諸大夫
則有若三輔張鵬翀二東王肇生
三巴喻思慥三楚謝肇玄魏公驥
所相與商榷入告者往牒具在語
曰萬里之淵連于窾木千仞之谿
升于垂綆及今之皆補牢顧犬未

爲遲也執其通施御其司命
其毫釐而積之是所望于後之君
子

崇禎歲在癸酉月在林鍾中伏
旦長白居士畢自嚴書於蕭
之松葉屋

度支奏議目錄

邊餉司一卷

覆宣大督臣張曉請催民運鹽課疏

申飭考成鹽課完欠疏

覆議延鎮降夷月餉疏

議覆大同撫臣條陳六款疏

題報元年發過各邊月餉疏

邊餉不敷請祈會議疏

覆戶科查叅永平太守違悞造冊疏

題覆布政張夢鯨完糧優擢疏

覆科臣劉垂實宣雲徵解本色疏

覆宣府餉司荆之琦條陳疏

覆大同撫院急催民運疏

題覆梁御史清汰嚴限報竣疏

覆巡視太倉科道條陳收放事宜疏

覆大同撫臣請發通倉本色疏

遵 旨查奏賦額存留款項疏

找發宣大元年京運并辦多開欠數疏

登荅方關院薊密永三協兵餉疏

度支奏議卷之一

太子少保戶部尚書淄青畢自嚴視草

覆宣大督臣張曉請催民運鹽課疏

題爲虜警日偏軍餉日匱急懇

聖明嚴勅措發以救目前事邊餉司案呈崇禎元年
八月二十三日奉本部送戶科抄出總督宣大
山西等處地方軍務兼理糧餉太子太傅兵部
尚書兼都察院右副都御史張曉題前事等因
崇禎元年八月二十日奉

聖旨插虜狡黠宜雲日嚴備禦當使士飽馬騰軍
着上緊給發不得遲悞該部知道欽此又於本年
八月二十五日奉本部送戶科抄出巡撫宣府
等處地方贊理軍務兵部右侍郎兼都察院右
僉都御史李養冲題爲軍士因秋防以索餉兩
運久拖負而不完勢切然眉額

天催發以保嚴疆事等因於八月二十二日奉

聖旨宣鎮欠餉數多李養冲權宜湊處知道了京運
解到的該部速發抵補馬價民運鹽課拖欠的該

省直撫按立限催解勿得再稽有悞邊計重處不
宥該衙門知道欽此欽遵通抄到部送司奉此案
呈到部該臣等看得肘腋之地驕虜耽耽邊臣
有枕戈之憂而臣部無纓冠之誼獨非臣子也
哉但

國家財賦有數縮於入自不能盈於出該鎮年例
亦有數能應於額內不能應於額外臣受事之
始撫空匱之狀聞庚癸之呼反覆圖維區處之
策幾廢寢食兼之寧遠一事各鎮聞風幾成要

挾之勢取遼爲鑑已先邊臣而寒心矣
府每年年例銀二十九萬九千一百五十六兩
七錢八分本年春季三月初三等日解過銀七
萬三千一百八十兩內

內帑銀五萬兩夏季四月初十等日解過銀六萬
三千七百七十七兩五錢三分八釐內動新庫
銀四萬五千兩老庫銀一萬五千兩秋季七月
二十九日解過銀四萬兩又臣新派發銀三萬
兩大同每年年例銀四十五萬六百三十八兩

本年春季三月初三等日解過銀九萬五千兩
百一十兩內

內帑銀四萬兩老庫銀一萬兩新庫銀二萬兩夏
季六月十三日解過銀十萬三百七十六兩內
內帑銀十萬兩秋季六月十五等日解過銀八萬
兩內新庫銀二萬兩又臣新派發銀五萬兩除
冬季未題外宣府三季止欠銀一萬七千四百
一十兩四分七釐大同三季止欠一萬二千兩
百九十二兩五錢總藉

內帑之頒發加以臣部之拮据始復有此過
取數年內解發之數質之今日豈不大有
哉而臣部之不敢遲悞亦大較可睹矣至於
府民運七十餘萬兩鹽課七萬餘兩大同民
六十七萬餘兩皆該鎮軍餉之需及打造召
撫料操賞之所從出迺數年來各該省直不
口於災傷則推託於凋疲拖負日久積欠且
該鎮之餉坐以日詘致邊臣今日費幾許權
湊處豈盡臣部之過哉除臣派發過八萬兩

期僨運聽該督撫支用外其各民運鹽課拖欠銀兩非

天語申飭不能警地方之積玩而令其徵解於流弊也伏乞

勅下臣部行文各省直運司將宣府大同額餉不論已欠見徵立限上緊完解倘再遲延卽照屢題考成例按分數輕重叅處庶二運可以接濟而邊臣得藉以遂吞胡之志矣

崇禎元年九月初二日具

題本月初五日奉

聖旨奏內發過宣大餉銀數知道了其民運鹽課
行文各省直運司勒限嚴催完解接濟再遲延
着督撫叅來從重究處欽此

申飭考成鹽課完欠疏

題爲鹽課已奉考成運司依然拖欠謹再

請申飭以明振刷以便查叅事專理邊餉山西清
司案呈鹽法考成本部前於本年五月內題奉
欽依及立限督催維時計欠一百七十九萬一千二
百五十九兩五錢八分今逾半載止解到三十
八萬六千六百二十五兩六錢八分續經催取
完欠職名去後亦未報到但立法之初不明不
行而積玩之後不振不起相應具題申飭等因

查叅等因到部該臣等看得

國家鹽法導利布民以正課實邊儲以餘課輸
倉總爲軍糈起見計餘課歲入幾與田賦等
商賈挾不貲之富射利煮海而

公家椎什一之徵積鎰鉅萬從來不煩催督而
無愆期不俟考成而歲無逋額斯亦軍

國自然之美利也逮後以鹽法壅滯而商有預
之苦則課難矣繼又以

大工搜索而商有旁撻之害則課益難矣此邇久所

自來也今當

朝政修明之日財用匱乏之時諸臣言鹽法者章漕
公車方欲增引增課足食足兵以復前代殷
之舊至各運司從前拖欠及見年徵解之數皆
太倉計口算賦之供目前軍興接濟之資真不
可毫釐缺而須更緩者廼臣部新題考成而運
司視同噬語舊日之積欠未補見徵之新課不
來殊可異焉如兩淮運司每年額銀六十七萬
一千二十九兩九錢天啓六年欠銀二十九萬

五百四兩九錢天啓七年欠銀二千

一百一十兩六錢一分崇禎元年全未解

運司每年額銀一十四萬五千兩崇禎元年

銀七萬二千五百兩長蘆運司每年額銀一

四萬八千四百三十五兩三錢九分天啓七

年欠銀五千一百四十四兩三錢六分六釐崇

禎元年欠銀九萬六千四百三十五兩三錢九

分山東運司每年額銀五萬三千五百五十五

兩二錢崇禎元年全未解福建運司每年額銀

萬九千四百三十九兩九錢七分崇禎元年
未解廣東提舉司每年額銀二萬一千八百
十三兩五錢七分天啓七年欠銀一萬六千二
百五十三兩五錢七分崇禎元年本省題留
上六七年欠銀五十二萬九千一十三兩四錢
四分六釐元年欠銀九十二萬二千九百六十
兩四錢六分通共欠銀一百四十五萬一千九
百七十三兩九錢六釐至新增遼餉通共欠銀
三十一萬五千六百八十五兩七錢二分

另疏申飭茲不再贅述之
緩圖鹽官怠玩視拖欠爲恒事若突以
功令繩之鮮克免焉彼亦何說之詞但舊例所無
而一朝創始題

請數月而頓見施行誠恐臣部亦任不戒視成之
也請再舉考成之例一申明之原題照京邊
有隔年查叅之法如崇禎元年年終查叅天
七年分是也有分別輕重之法如欠一分以
全欠自住俸以至爲民是也臣近題京邊錢

貴成撫按則鹽課當責成巡鹽及帶管鹽法
史無疑矣其鹽運使如布政司例鹽法道如
糧道例運判運副如管糧同知通判例每遇
終運司備造完欠分數經管職名文冊一報
院一報臣部鹽院據以查叅臣部據以題覆
年終屆期而查叅不到責在鹽院冊報不到
責在運司蓋臣部九邊舊餉視新餉尤爲乏
絕以鹽課而較京邊無隱匿災傷之虞無
追呼敲朴之擾無轉解那移之弊額數整
頓期會斬截

臣部所望以呼吸應而緩急賴者想各撫
必不忍爲秦越之視而各鹽運司亦必不
膜外之觀也先是七月兩淮解到鹽課三十
萬臣部立散各邊藉爲投醪挾纊之資今計
尚百餘萬正望接踵而至迺數月又成絕響
部前題所謂額設六十餘萬之多到部二十
口之程者豈應玩愒爾爾乎竊謂天啓六七
年斷當勒限年終盡數完解而崇禎元年亦
完及六分以上者也伏乞

勅下臣部轉行都察院分行各巡鹽及帶管鹽法御史督催各運司將拖欠及見徵鹽課立限起解仍俟今年年終巡鹽御史各將天啓七年以前拖欠各官照題

准京邊例查叅運司亦將完欠清冊報部臣部再查分數據實題覆庶法行而人知畏鹽課不至欠逋軍餉不無少補矣

崇禎元年十月十九日具

題本月二十三日奉

聖旨鹽課拖欠數多巡鹽及帶管御史嚴催
啓七年以前未完的都着年終完解仍前拖欠
照京邊例查叅今年務完六分以上年終運司
造完欠文冊經管職名報部及巡鹽御史俱如
行欽此

覆議延鎮降夷月餉疏

題爲衝邊隱憂方切降夷沓至可虞仰乞

聖明嚴諭再免解發併乞

勅部速給餉銀以濟危急以保巖疆事邊餉司案奉本部送戶科抄出延綏巡撫卞和聲題前事等因奉

聖旨據奏降夷數多勢難缺餉着該部作速酌議措處散給以後降夷關門各鎮不許再發該部知照欽此欽遵抄出到部送司案呈到部除卽移

開門降夷不許再發外看得夷糧一項原
經集議低回莫決在舊餉則謂開門分發於
夷非各鎮自收之降夷也其應支餉銀應於
餉數內措發在新餉則謂降夷安插各鎮總
朝廷封疆計固不得以分散各邊而偏屬之舊亦
得以發自遼左而偏屬之新也應行各邊暫
舊餉內爲通融之計俟新餉稍有盈餘續當
量措補總以兩庫交訖新餉旣不能措應於
前舊額又難增加於額外臣反復思之不得

以目前之計任之臣部以長久之計任之各邊
其本年動支餉銀臣部於舊餉內奏發五千兩
於新餉內奏發五千兩解給該鎮就中亦宜分
別強壯老幼斟酌分散通俟用完冊報臣部銷
算庶可免降夷之枵腹而濟該鎮之然眉矣然
使降夷坐而糜之臣部恒而給之亦安能以三
空四盡之財供此不軍不民之用哉臣又反復
思之沿邊處所軍豈無逃亡地豈無閒曠擇其
饒健卽使補伍頂食軍糧其餘老弱授之可

之地使之盡力耕屯夫補伍則降夷卽吾民
荷戈有干城之用原未嘗增餉於額外畊屯則
降夷卽吾民而負未有蓋藏之饒併不必仰贖
於大官是降夷各獲其生而

朝廷不窘於費乃可以圖經久也旣經該撫具題前
來相應覆

請恭候

命下臣部移文該鎮督撫餉司各衙門一體遵奉
行

崇禎元年十一月二十六日具

題十二月初一日奉

聖旨降夷餉給原非長策這次該鎮既分發數多如議於新舊餉內各發五千兩或補伍或耕屯該鎮設法措置今後開門及各邊降夷俱要嚴加隄慎若濫收遺患責有所歸該部卽會同兵部傳與他每知道欽此

議覆大同撫臣條陳六款疏

題爲重池遭萬分之奇厄微臣效一得之苦心謹

列款冒

奏伏乞

立賜允行以活宗民以保疆圉事邊餉司案呈崇禎
元年十一月二十七日奉本部送戶科抄出

欽命督師行邊撫禦西虜總督宣大山西等處地方
軍務兼理糧餉少師兼太子太師兵部尚書
都察院右都御史王象乾題前事內稱准巡

大同右僉都御史張宗衡會稱併會同
隸監察御史葉成章題前事等因於十一月
十二日奉

聖旨大同災荒之後該撫設法整頓具見留心這
列六款該部作速議覆內鑄官錢不妨部鑄與
增益引與前輩除浮課疏通正塩明旨不相背
還詳議妥確具奏欽此欽遵抄出到部送司奉
案呈到部該臣等看得大同兵荒之後士
腹於疆場人民啼號於原野迫至

聖子神孫亦復困頓於殘破災傷之餘撫茲土者寧
敢一念安處不思一一爲之所哉故該督撫雖
心上之經綸就地方爲設處或欲興利於山澤
或欲取貲於商賈或欲急濟於目前或欲垂休
於日後其所以爲修救修備計者已算無遺策
矣

聖明已灼見其留心臣部敢不斟酌於及時其可立
見施行者臣不辭爲同聲之和其可再加詳議
者臣亦不辭爲異味之調謹逐款覆酌上塵

聖鑒伏乞

勅下臣部轉行各該鎮一體遵奉施行

計開

一鑄官錢

看得鼓鑄一事誠天地自然之利然大權所在亦宜愛惜該督撫詢於鑄本之艱難至欲與民同鑄甚非得已但恐物力漸乏之後不能盡歸諸官則弊滋而利亦浸微究竟反歸於寢閣臣請爲該督撫籌之

鎮利權均在該督撫掌握或於存留爲國
處或於軍餉爲通融亦可小試生財之端
或以開局慮始費倍于息又在該督撫之
多方調停耳至於外鑄之妨京鑄已屢
聖慮臣請查各地方鼓鑄凡不係督撫重臣董理者
盡與報罷亦不妨於該鎮一權宜也伏候

聖裁

一開水田

看得水利之未講於西北也拘於習也

抱甕灌漑時有小獲何不可引而灌之
而通之使蓄洩盡制汙萊化爲膏腴乎
督撫此議誠得興利化俗之道宜聽其
法從事使地與水相宜人與器相習而
始之初議行從便成熟之後議租從寬
應如議以示鼓舞者也伏候

聖裁

一開鉛礦

看得開礦一事利害攸關據該督撫稱

鉛礦就近採取爲火器之用是誠便計但
鉛礦開矣他礦何不可開一處開矣他處
何不可開宜再講一無害之法不開一效
尤之端斯稱萬全應

勅令該督撫從長計議者也伏候

聖裁

一抽木稅

看得寧武一帶爲晉鄙藩籬山林有樵採
之禁非商賈之所得問卽該督撫亦云可

否開閉自有彼中撫臣爲政蚤已見及之矣但勢困於涸轍而欲微潤於升斗則其計誠窮而其情誠迫也應

勅令該督撫會同晉撫再議行止但求兩利於封疆勿徒各存其畛域伏候

聖裁

一通河道

看得大同孤懸一隅物價易騰皆苦陸運之艱難耳今該督撫桑乾河之議邇據

源畫於指掌誠使疏通有道舟楫交通則
米穀自山西順流而下雜貨自蘆溝逆流
而上東西南北百貨泉流真大同千萬世
無窮之利應如議舉行不待再計者也伏
候

聖裁

一增新引

看得兩淮額引壅滯正課虧通近該科臣
黃承昊遵奉

明旨與塩臣張鑛面相商確各有條奏俱片展
革浮課爲第一義而塩臣疏云正引之外
卽爲浮引正課之外卽爲浮課又云兩淮
查有未銷舊引六十萬丙寅丁卯又墜下
額引一百萬正欲減斤疏理若或再增七
萬引則額引益壅恐與革除浮課疏通正
塩之

明旨相悖已在

聖明洞照中矣且銷引行塩塩臣職掌該督撫言

禮臣亦與言宗祿恐掇臣止言鹽法而增
引止屬空談宗祿反悞設處不惟不便於
兩淮亦不便於該鎮也伏候

聖裁

崇禎元年十二月十九日具

題本月二十二日奉

聖旨這鼓鑄着該督撫于存留軍餉通融區處不必
與民同鑄一切鑄錢凡不係督撫董理者槩與停
止水田河道督撫悉心處置開鉛礦抽木稅着從

長計議增新引既稱不便不必置議欽此

題報 癸過 邊月餉疏

題爲措餉已竭綿力節省尚無定畫謹陳元年
餉數且併請申飭覈餉

明旨以祈共襄軍

國事理邊餉山西清吏司案呈到部該臣等看

國家財用量入爲出者度支之經也酌盈濟虛者
通變之權也左支右吾者補苴之陋也

國朝邊餉在

祖宗時制用以經無憂不足自軍需取給於天下
虛耗伊始迨京運漸溢於常額而橫費日滋
以始乎經既乎權卒乎陋漸至今日遂成一
此失彼朝不謀夕之景象矣臣謹按太倉出入
之數

御覽簡明冊省直田賦正雜課銀歲入原止三
一十餘萬兩加以事例又可得銀十餘萬兩
除割去遼東舊餉二十萬兩外歲入僅得三
萬兩

御覽簡明 九邊軍餉 銀三百二十七萬八千

三百七十三兩四錢一分

改

內供官俸京支京營米折布花并各鎮撫賞共

該銀一百二十三萬五千八百五十兩又新墾

四鎮塩菜銀二十二萬六千二百五十四兩九

錢五分通共該銀四百七十四萬四百七十八

兩零內除四鎮塩菜近俱汰去并減兩月米折

銀二十四萬兩心該銀四百二十七萬四千零

百二十三兩五分以所入較所出實欠銀一萬

二十七萬四千二百二十餘兩。雖災荒屢告逋負，頻仍則人數多寡又難確計。查崇禎元年一歲之內，臣部拮据督催，除舊欠二十九萬兩外，所收舊逋新增各項搜括，共得銀二百八十二萬七千餘兩。又益以

欽發帑金三十萬兩，共成三百四十一萬兩。而人滿額，幾無遺孔矣。及查元年一歲之用，除

內供官俸京支京營米折布花并各鎮撫賞共銀一百二萬六千五百六十八兩三錢，又加

登極皇賞二十萬兩皆其必不容已而酌量以給也。迺其最急而難需、最奢而難省者、無如九月月餉。故臣所拮据而首務者、亦莫先九邊月餉。當派發之時、臣每懼無以滿呼庚之望、而塞司計之責。乃年終一總計之、又合六七兩年一互較之。宣府鎮年例二十九萬九千一百五十六兩七錢。天啓六年止發銀八千兩。天啓七年止發銀一十二萬兩。崇禎元年發至二十八萬七千九百五十七兩。內有

帑銀五萬兩大同鎮年例四十五萬六千三百兩
兩天啓六年止發一萬一千四百八十八兩
天啓七年止發一十三萬七千四百兩零崇禎
元年發至四十四萬四百八十六兩內有

帑銀九萬兩山西鎮年例二十萬六千三百兩
啓六年止發二萬九千兩天啓七年止發七萬
四千兩崇禎元年發至一十一萬兩零內有
帑銀一萬兩延綏鎮年例四十二萬三千七百五
十九兩零天啓六年止發六萬二千四百七

兩零天啓七年止發一十七萬三千一百四
四兩零崇禎元年發至二十四萬三千八百
十兩零內有

帑銀三萬兩又發新舊夷丁餉銀一萬兩寧夏鎮
年例一十三萬三千七百九十五兩零天啓六
年止發三萬二千七十二兩零天啓七年止發
九萬九千六百二十九兩零崇禎元年發至九
萬六千兩內有

帑銀一萬兩甘肅鎮年例一十九萬七千五百八

十八兩零天啓六年止發四萬二千二百兩
一兩零天啓七年止發八萬六千三十六兩
禎元年發至一十萬二千五百兩內有

帑銀一萬三千兩兌留茶價銀七千五百兩固原
鎮連下馬關年例一十八萬八千一百九十六
兩零天啓六年止發一十萬五千一百九十五
兩零天啓七年止發七萬八千九百零崇禎元
年發至一十三萬七千兩內有

帑銀一萬三千兩兌留茶價銀三萬兩薊州鎮

例四十二萬六千八百七十一兩零天啓六年
發至二十四萬四千九百七十六兩零天啓七
年止發一十五萬七千二百四十七兩崇禎元
年發至二十萬五千一百兩內有

帑銀一萬兩密雲鎮年例三十六萬五千三百九
十一兩零天啓六年止發一十六萬九千二百
五十八兩零天啓七年止發一十五萬一千兩
崇禎元年發至一十八萬四千一百兩內有

帑銀一萬兩永平鎮年例二十八萬九千八百

十六兩零天啓六年止發九萬一千六百兩
三兩零天啓七年止發一十萬五千兩崇禎
年發至一十三萬五千兩內有

帑銀五千兩昌平鎮年例一十四萬二千三百
兩零天啓六年發至一十一萬五千六百八十
一兩零天啓七年止發五萬三千兩崇禎九年
發至八萬九千兩內有

帑銀五千兩戶部節省廊庫公費銀四千兩易
鎮年例一十四萬六千五百九十五兩零

六年止發六萬五千九百九十六兩零天啓七年止發四萬六千二百六十九兩零崇禎元年發至一十一萬三千五百三十八兩零內有帑銀四千兩新經保定巡撫題

准兌留客犯贓銀三萬四千五百一十九兩七錢五分錢一萬七千九十八兩共計天啓六年共發過九十七萬七千九百八十兩天啓七年發過一百二十七萬二千八百一十四兩崇禎元年發過二百一十五萬四千五百四十餘兩

而釐撫新經裁省銀三十一萬不與焉若
裁省則九邊所欠僅八十一萬有奇
大督師王象乾新請撫賞五萬兩臣部兵部各
發二萬五千兩又原發

帑金十萬新議改抵撫賞五萬臣部當補發五萬
近日已發二萬五千兩又在外
夫太倉止有
此數耳重以

聖明之責成而催科始漸有起色加以

內帑之接濟而饋餉方稍逾往凡嘔會計之心

海內之力分

天府之藏加以新庫老庫協力那湊不過如是臣部
私心自慄似可稍追溺職之愆矣詎意時勢愈
艱遭逢愈苦在宜大山西方慮 鴟張於塞
外在延綏寧夏又患 闌入於套中且秦晉
一帶赤旱千里災傷異常盜寇蜂起所在見告
原設民運俱絲毫不可問亦一大劫數矣薊密
永昌一帶歲事幸不甚荒然而口束合 窺伺
薊永之報月無虛日密邇

輦轂惕心衣衾需餉又至急焉昔年急遽而九邊
緩其後九邊之內有所急仍有所緩而今則
地不急無處可緩且處處呼庚人人鼓譟矣乃
臣部處會計之艱難而各邊循請討之故事事
危言以相逼且藉端而卸過動以

神祖末年迄今迤欠之數爲言且以槩行找補接年
未解之數爲請夫以出入相提而較臣部但能
補葺當年固已幸矣而能頓及遠年舊逋乎各
邊卽有從前壓欠但求目下逐月得餉不啻

矣而可盡補昔年積欠乎每有狂逞疎虞之事
便思諉責卸擔臣部則臣之肉不足食而臣之
要領不足供

斧鑕矣崇禎二年正二月間臣部又已措發邊
餉九萬以此竭歷從事以供嗷嗷枵腹之衆
固矢竭駑鈍將惟力是視然而竊有請焉各邊
原有踰涯之額臣部別無點金之術近經廷臣
條議臣部詳查俱奉煌煌

明旨一則曰兵減餉增是何緣故目今大閱未竣務

要着實清覈再則曰督撫諸臣悉心講求清覈勿得有溢原額以便給發已經臣部走宣傳諒已遠近俱到清覈一著臣不啻蒿目之如瘳病之參苓也薊撫三十一萬之裁省定期共底厥成延撫二萬之

奏報似猶存乎見端至於他鎮殫精料理負其責自優遊遂美他人顧乃宜報而久不報者何也從今攢造清冊某鎮實在馬兵步兵各若干折糧餉若干實在馬匹若干草料若干一

共用銀若干定爲經制裁其冗冒先儘民屯
發京運永爲遵守亦今日之急務也。臣每平心
熟籌目今軍

國俱匱在外咎內部之缺餉在內咎各邊之虛糜
以相持開交談之竇而以交談成相尤之累且
願與諸臣一反錮習交相勸勉在外則多方節
省催徵以就縮在內則多方措處灌輸以就盈
以各盡成共肩之局以合力濟同舟之事庶幾
入相權酌濟互施邊方鮮虛懸不償之積並期

靡無米施作之炊矣伏乞

勅下臣部通行各鎮一體遵奉施行

崇禎二年二月十四日具

題本月十八日奉

聖旨覽奏元年各邊月餉發過比天啓六七年差
具見卿拮据苦心屢言嚴催外解今年所欠自
其該鎮本年額餉務期接濟各邊清數已久如
還未奏報該部還移文速催其一年兵馬糧餉
造清冊備填實數立爲定式以便給發外鎮各

節省內部多方措處相成共濟該部與邊臣一

遵行欽此

增會邊餉事懇請祈會以疏

三

題爲邊餉歲供不敷權宜補苴非策伏祈

勅下廷臣會議以求至足之計以定經久之規
事理邊餉山西清吏司案呈各邊年例歲額
銀三百二十七萬八千三百七十餘兩卽際薊
密等鎮節省銀三十三萬餘兩仍該銀二百九
十四萬八千三百七十兩滿算京邊歲入之數
田賦銀一百六十九萬二千七百九十二兩鹽
課銀一百一十萬三千一百兩雜課銀一十萬

三千一百餘兩鈔關銀一千九百餘兩共銀三千一百餘兩
十餘兩事例銀約二十萬兩共銀三百二十萬兩
萬五千五百二十餘兩而拖欠相延實入不敷
三百萬兩卽盡充邊餉已無贏餘乃京支雜費
八十四萬餘兩薊遼撫賞一十四萬五千三百
八十九兩遼東提塘三千餘兩又遼左舊餉
充新餉二十萬兩盡從此出則出浮於入者
一百一十三萬六千六百五十餘兩矣况
內供召買及宣大撫賞一切不時之需又有撫

常額之外者乎且崇禎元年資

內帑者二十五萬資新餉者八萬五千今帑
再爲幾幸乎邊鎮安得不呼庚本部安得不
手目前作何支持究竟作何底止合請

勅會議講求長策等因到部該臣等看
日而匱極矣臣部至今日而難極矣宣大寇迫
門庭或撫或勦浩費何支薊密戎伏肘腋旋
旋動驕養難繼秦晉時值災祲患切震鄰設
設援坐縻何窮而無一不求之臣部也假令

人之數不甚相遠。臣猶可多方調劑。不虞
之不敷。至一百一十餘萬也。臣卽盡瘁拮据。
過及於額設而止。如民運則申飭矣。京邊則
成矣。近又䟽理鹽法。覆敷民運矣。仰藉

天威。功令有赫。積玩積逋之習。漸覺振起。然而分
之經營。無當於分外之設處。不足者仍不足。
故崇禎元年。發餉過二百餘萬。蓋已無餘力。
乃有發過十之七八。而責臣部以全完者。又
見年全完。而責臣部以積欠者。邊疆慮無

餉借口同

朝慮無不大義相督。亦嘗於臣部一設處而深
思耶。左軍而右民。旣已歛怨於地方。顧此而
彼。又復觖望於邊庭。實難無中生有。何以在
計。舉盈說者謂自遼難黔難繼起。兵連禍結。十
年不解。軍興供億。歲至千萬。此真

國家三百年來所創見者。海內物力。公私有限。捉
襟露肘。無足深訝。噫。是固然矣。然伏思以

天朝之大。四海之富。徵輸所至。隨發隨盡。朝不謀

是何景色。回想

祖宗朝粟紅貫朽。陳陳相因。民不加賦而軍得宿衛者。夫豈異人。無亦天地之財自足供天地之用。臣等智盡能索。其所爲議生議節者。尚未盡其術乎。若止因循支撐。不於此時另作一番商榷。別設一番計處。徒以空虛子府藏。以叫號子。鎮以督責子臣工。以焦勞子

君父。如封疆何。如

宗社何。此臣之所以憂心如焚。而寢不貼席。食不甘

咽者也。解我。

皇上宵旰籌畫。諸臣悉心共計者。無如此一事。且。

正盈。

廷饒桑孔之心計。抱劉晏之經綸者。豈曰無人。

卜式有言。

天子有事匈奴。人臣當以身家徇之。卽諸葛武侯亦
以集思廣益爲興隆之本。我。

朝弘治八年。計臣韓文因。

國用不足。曾乞。

勅重臣公同計議隆慶元年計臣馬森奏

請令中外臣工各陳理財之策適歲計臣李汝璣
應蛟李宗延李起元等俱請會議新餉各有
益况近日臣部左右侍郎如李成名南居益
旣交章請會議臣主計無術遠不古若旣
能夙儲不涸之倉又不能廣諮長久之計臣
罪也。故今日願以臣部匱乏之情與
廷共見之。併臣部措處之方與在
廷共謀之也。伏乞

皇上軫國計之維艱恤臣部之獨苦

勅下九卿科道約日會議各陳所見或條奏

御前或揭送臣部聽臣等細加叅酌孰爲不刊定
孰爲目前急着具實入

告速見施行庶九邊有鼓腹之時而臣部免尸素
愆矣

○禡一年三月初十日具

題本月十三日奉

聖旨該部置極邊餉不敷朕日切軫念所奏具具

國者即約日會議欽此

覆戶科查叅永平太守違悞造冊疏

題爲錢糧關係

國計省直漫不經心謹遵原奉

聖諭具疏奏

聞仰祈

上裁事專理邊餉山西清吏司案呈崇禎二年二月

初六日奉本部送戶科抄出戶科都給事中

學龍題前事等因二月初三日奉

聖旨錢糧彙冊查叅嚴旨申飭尚多因循王從義

報備先且額餉至完意公無兩派項案定
加銜以任永平知府查名降處本府併各省直
年彙冊限三月完報二年的務期到部其已到
天山東山西等處文冊先行查覈具奏該部知
欽此欽遵抄出到部送司奉此除元年彙冊
三月內完報已經行文各省直沈珣柴寅賈
經吏部具覆外查永平知府係陞任知府陳所
立也相應具覆案呈到部該臣等看得今日
餉匱乏京邊延欠中外幾成一痛癢不關呼

不應之象矣仰墜

聖明綜覈特頒

聖諭於季終之外又詳於年終於報部之外又合
報科多方稽查務清夙弊誰非臣子敢不祇
況永平咫尺

京師冊報豈需時日乃該科題查之時距元年
嵩呼之時已踰月餘矣該府報科尚爾渺然豈所
彙報部科者該府未之寓目耶懲一警百法
自近應從本官始也但彙冊原以稽以懲

身入司府之數惟其報不報又須合之
以定功罪使本官仍有逋欠何以逃於重罪
該府併無金花及加派銀兩所有太倉京邊
已全完夫完而不報不得與旣完旣報者同
亦不得與未完未報者同罪所當行陞任地
罰俸三月薄示懲創以爲失悞彙冊之戒再
本官當去任之時不免推諉後官是以究責
悞此後三月補報法應責成見任無得以解
一官遂了該府報冊之局也

崇禎二年四月初八日具

題本月十一日奉

聖旨陳所立姑罰俸三箇月該府彙冊補報責成且
任還申飭行欽此

題覆布政張夢鯨完糧優擢疏

題爲

聖主求治甚殷諸臣圖治未實敬陳一得以備

採擇事專理邊餉山西清吏司案呈崇禎元年十月

十八日奉本部送戶科抄出兵科都給事中熊
奮渭題前事等因於本年十月十三日奉

聖旨吏部懲貪墨兵部絕請託戶部嚴考成三事最
爲簡當務着實行張夢鯨查果完及十分着與優
擢示勸該部知道欽此欽遵抄出到部送司奉此

除懲貪墨絕請託聽吏兵二部奉行嚴考成
經本部奉行外所有河南布政張夢鯨奉

旨查果完及十分着與優擢一節先經呈堂移文該
省查催去後今據完解到部一一清查計該省
額解京邊銀四十一萬八千八百五十兩一錢
見徵七十七州縣計銀二十萬五千九百二十
七兩零壓徵三十一州縣計銀二十一萬二千
九百二十三兩零元年分已解到銀二十五萬
八千六百八十八兩九錢零算已完過十分之

數相應具覆等因案呈到部該臣等看得中
財賦之地京邊最爲整頓飛輓亦稱直截是
部所恃爲呼吸應而緩急賴者也故新餉預
之數舊餉見年之額每望於該省取盈及查
年間亦有完十而欠三急新而緩舊者求其
能如額如期則未易得之數也今查本官元
新餉久已完解去年十月內已經臣部題

旨紀錄矣元年舊餉又於見年之內完過見徵之數
矣

功令一府一縣本年全完例得經錄請旨
府其間豈無有冲疲頑鈍之區大費調停者
本官化及疲邑兢爲終事非其德政之素
其綜理之有法經濟無兩軍

國胥裨所當破格優擢以示風勵者也既經科
具題

下部又該臣部覆核無異相應具題伏乞

勅下移文吏部將河南布政張夢鯨覆

請優擢施行

嘉慶二年四月十二日具

題本月十五日奉

聖旨是欽此

覆科臣劉垂寶宜雲徵解本色疏

題爲捕虜款成難恃宜大饑軍可慮敬據凡聞

真直陳權宜之策事邊餉司案呈崇禎二年

月二十九日奉本部送戶科抄出吏科給事

劉垂寶題前事等因本年三月二十六日奉

聖旨這說宣大饑荒附近解運本色還須確議具

該部知道欽此欽遵抄出到部送司相應具覆

呈到部該臣等看得凶年之穀續命舟也就

之移粟朝發可以夕至最中劑也宜

賑而又苦無年時賑無資
閔焉望歲此科臣所用直爲請

命扼腕言之也憂切已饑謀同借著救時權宜之
無逾於此臣等何能更爲異議惟是代朔在
帶州縣去宜雲不遠宜雲阻饑彼卽少有泰
僅僅借以餬口當三春時恐未必能遽辦通
目今二麥旣穫矣秋成在望矣臣請移文由
撫按查宜雲附近州縣如代朔蔚等處如果
收其見徵帶徵錢糧查照原派倉口盡數徵

本色糧料以實宜雲以資供億若道里在兩
百里之外而坐派未及者轉運或艱則見徵
徵皆係額折皆係民運動限徵鮮誠亦一毫
可須更緩者耳但未知代朔蔚一帶今歲麥
何如爲宜雲熟計則不得不爲代朔蔚熟計
又臣等推廣科臣之意竊附芻蕘於以釋
宵旰而籌危疆者也伏惟

聖明裁酌施行

崇禎二年五月二十日具

重刊道宜雲附近代朔蔚等處徵解糧料本
撫按查酌行欽此

覆宣府餉司荆之琦條陳疏

題爲

聖明加意封疆微臣勉修實事敬循職掌備述時艱
并陳條款仰祈

垂鑒事邊餉司案呈崇禎二年三月十八日奉本部
送戶科抄出總理宣府糧儲署郎中事員外郎
荆之琦題前事等因奉

聖旨餉務具載勅書事權未嘗不重司官廉勤自能
盡職軍儲方急這條奏各款切實可行著卽與申

飭該部知道欽此欽遵抄出到部送司奉此
到部該臣等看得宣鎮與虜逼處饑饉師旅
值其厄頃者邀靈

廟算款局業已告成式固我猷內備詎容或狃臣等
妄意借箸目前第一急著無如軍士有夙飽
官方無蒙氣臣所持斤斤勉效日夜告誡以
臣屬者也該餉司判之琦選擇而使寔投之
思難而言時弋亦獲除所列民運考成屯糧
收節經臣部另疏條

請見在奉行及鹽糧元年暫准折色二年仍辦本色
並職掌一款伏奉有事權未嘗不重之

旨畫一奉之無容再贅外其餘按款申飭併申飭該
司勿空言塞責勿始終倦勤於以副

主上之任使而俾臣等借手以人事

君也此正該司隕越氷兢感恩矢報之實際也伏惟
聖明裁察施行

計開

一曰京運之額數宜明

該臣等看得宜鎮京運原額二十九萬
千一百五十六兩七錢伏查天啓六年發
過八千兩未發二十九萬一千一百五十
六兩七錢天啓七年發過一十二萬兩未
發一十七萬九千一百五十六兩七錢二
年總計欠數誠有如該司所謂欠至四十
餘萬者以致撫賞召買幾於中斷維今
旣正坐於此及查臣於崇禎元年任事於
通銀二十八萬七千九百五十七兩未發

銀一萬一千一百九十九兩七錢今擬補
發務期全完崇禎二年發過銀六萬兩今
又割派銀三萬兩俟塩課到日給發以上
二年所發較之往昔不啻過倍惟是額餉
短縮措出無門臣黔技雖窮誓不敢以拖
欠貽累後人而又責臣以補前人之夙逋
臣卽捐頂踵其能濟乎目前麥秋告熟塩
屯俱舉催併民運亟圖接濟惟在該司勇
爲任也伏乞

聖裁

一曰還官之查扣宜嚴

該臣等看得還官銀兩於以備閏支而於
節省臣部已經題

請創行該司遵奉矣所虞者稽覈不愆以多作少以
遠作近逃亡倒失日有而月精草料仍舊
卽有查扣已明而道府徑令貯收別處
意他用不還司庫徵該司銳意振飭則
報止成具文誰肯實實奉行乎合如該

條議將宜鎮軍馬責令道將申飭清核
得混冒軍缺馬倒越十日不申報或申報
而不扣銀解司者該司訪出移文撫按從
重查究庶

功令斷在必行而隱匿或少有底也伏乞

聖裁

一曰占役之虛浮宜汰

該臣等看得近日清汰虛浮之議幾於竟

滿公車屢奉

明旨而試問所汰幾何所節幾何其確有的據者
不少槩見也節經臣等檄催惟虞彼中影
占未必一盤托出近見宣撫郭之琮題

請業將清汰餉銀五萬餘兩作爲修築墩臺之用矣
今據該司力請合行再爲申飭自後但有
虛浮速爲清汰仍歸餉司以作正項支銷
該鎮撫按同心綜覈摘發當不復顧情面
也伏乞

一曰那借之原派宜還

該臣等伏查天啓六年間動保定府應解
該鎮銀三萬六千五百二十九兩五錢
遼豆訖七年間又動該鎮一萬九千三百
三兩買遼豆訖以上二項銀兩自宜取償
於新餉第先年臣部曾題明每年舊餉
幫新餉二十萬而新餉竟以此抵作幫支
之數例應舊餉補償矣惟是近日太倉
洗姑畝稍有餘贏卽當亟補者也伏乞

聖裁

一曰召買之積弊宜究

該臣等看得召買之役據該司所議亦
洞見積弊矣至完舊給新一法設誠必
則七萬夙逋不難力辦二十餘年之雀
掃除盡矣自後卽偶有拖欠請著爲今
以原價開銷若兩年不完者載入考成
路管糧官卽以不職論若完在當年者
該司疏糧官名紀錄臣部仍以召買之

否而殿最該司也伏乞

聖裁

一曰閏月之備支宜酌

該臣等看得備閏之需例有庫貯還官等項銀兩不足則以歲計通融此定規也宜當曷監搜括之後竭澤無餘而又逢歲之凶倉庾若掃所僅存之二萬以抵十萬二千之支放其何能濟此該司所爲懇切以請也臣等再三度之該鎮有客餉有民屯

其額尚夥終不能外計歲通融一法
雖苦於無措而向後猶可以追補蓋往
皆以前之積裕後而今則祇以後之積
前也惟該司苦心設處通融湊泊正於
米之炊見巧婦耳伏乞

聖裁

崇禎二年五月二十四日具

趙六月初七日奉

聖旨這覆宜鎮餉司條奏六款俱依議荆之琦極力

振飭勿託空言其京運兩年所發視昔獨多具
卿苦心調劑以後見年按季給發併催塩屯民
及蚤徵解務求接濟欽此

覆大同撫院急催民運疏

題爲民運之拖欠愈多隔省之查叅無益懇乞
併餉院照新餉例嚴加考成以救危疆事邊餉
司案呈崇禎二年二月二十九日奉本部送戶
科抄出大同巡撫張宗衡題前事等因奉

聖旨邊鎮民運額餉各省直撫按一體查叅嚴催完
解餉院兼攝有無妨悞該部確議具奏欽此欽遵
抄出到部送司奉此遵卽移文督餉御史錢士
貴酌議去後今准該餉院回稱雲餉遼餉軍需

並急兼攝督催義無可辭然而事有難以一
法欲求其通便則新舊兩餉有不可以一例論
者蓋遼餉京運也金錢出入必繇部解領掛銷
按籍了然故稽覈便而法令一也若雲餉則民
運也徑從河南山西轉輸而至大同今欲轉而
就本院之稍覈恐錢穀之飛輓旣難繇京以達
鎮而空文之徃復未免影響而參差且撫按查

叅屢奉

明旨夫以各撫院自行督催較本院之督催孰便以

各撫按自行叅罰較本院之叅罰又孰便臣
義在急公苟有利於封疆亦何愛於膚髮本院
非以遼雲分彼此也亦計其通便而已等因到
司准此相應題覆案呈到部該臣等看得大同
民運仰給於山西河南二省河南已附京邊內
一體查叅矣獨山西舊不報部卽

功令日行申飭而泄泄如故求一完欠職名而不
易得是以雲撫有慨於中請

勅督餉御史與新餉一體叅罰也該餉院急公之願

兼人之才卽總攝自有餘地東虞轉輸經
近不同空文往復影射易起且各邊鎮援引
無民運借口槩請歸併餉院雖鞭之長寧及馬
腹

明旨所謂有無妨悞者蓋已灼見事多格碍勢難併
兼矣臣請將山西民運一如河南照依京邊例
查叅蓋山西原無京邊則民運卽京邊也案查
臣於崇禎元年十月內有恭承

天語軫念電 諸謹申飭民運考成之法等事一疏

奉

俞旨勅山陝二省着藩司餉司季終年終報部聽督撫查叅該部重處不得仍前怠玩有悞國計欽此中間備陳山西民運拖逋久未經叅限以崇禎元年之終查叅天啓六年以前凡未叅者一併奉行崇禎二年春季終查叅天啓七年分崇禎二年冬季終查叅崇禎元年分以後每歲一叅著爲定例今已徂夏矣而六年七年之叅竟未著有以啓事者豈其創始難行耶卽臣部屢檄催

取民運倉口總數實數刻刊書冊而亦不可得
豈謂民運無閑軍需耶總因該省客歲略苦旱
荒不便催科未免稍展其限今麥秋已屆而催
科查叅似不容緩矣除臣一面勒限守催文冊
北直山東定於六月中山西河南定於六月終
陝西定於七月終報部過限不報者該司府州
縣官臣部指名叅處至於查叅一節奉有原行
限期昭揭各該督撫衙門裕

國在念稔切同心恐必不至久稽以干

功令者也總之法在必行則賦無積逋不獨雲南
一隅爲然耳伏乞

聖明裁酌施行

崇禎二年六月初四日具

題本月初八日奉

聖旨雲鎮民運拖欠着照京邊例查叅山西同河南
一體飭行守催文冊限期報部該省直等處通與
嚴飭欽此

題覆梁御史清汰嚴限報竣疏

題爲

明旨久稽足用無期謹終清汰之說懇祈嚴限報竣
以收實效事邊餉司案呈崇禎二年六月初三日
奉本部送戶科抄出四川道監察御史梁子璠
題前事等因奉

聖旨各鎮查覈例餉已未奏到著該部科分別請旨
立限行催京管京支也著上緊查奏前諭兵部飭
鎮管路臺墩各兵應補見缺即將新兵精壯選補

近據開按疏逃亡兵數甚多如何久不冊報及
前旨選補著一併行催該部知道欽此欽遵抄出
到部送司奉此又奉本部送據司務廳呈准戶
科都給事中解學龍手本內稱該司遵

旨速查各鎮已未奏到分別立限刻期具

奏萬勿延緩等因送司案呈到部除薊鎮營路臺
墩各兵聽兵部行催該鎮查逃亡名缺選補速
行冊報及京營該總協巡視作速查奏又臣前
有清查京支雜項一疏分隸各衙門款項併載

久奉

俞旨所與各該諸臣共襄清明之治旦夕報

命仰體

聖諭上緊二字之義無庸臣再贅瀆外惟照例餉覈
查一節自元年七月

皇上允臺臣梁子璠之請迄今已浹歲矣臣部檄催
不啻再四伏計諸臣設誠力行不過一披閱點
驗間據其實在者以回覆耳臺臣所謂非別有
高深難見者誠爲確論而不虞諸臣之泄泄也

邊餉係臣部職掌臣每一週想不勝隕越恭
分別請旨立限行催之 旨益佩我

皇上望治之切軫餉之殷而待臣下之寬

異語載申且爲諸臣展限也夫

宵旰之焦勞諸臣當何如拮据

若父之優容諸臣當何以仰答臣部謹會同該科臣

解學龍等伏查宣府鎮例餉於閏四月內奏到

大同鎮例餉於五月內奏到易州鎮例餉五月

奏到俱奉

青駁回易州鎮今六月覆奏已到尚有天津井陘
名三道見在覈查其餘延寧甘固等鎮查在
千里外限八月內到薊密永昌山西等鎮查在
一千里內限七月內到倘再有後期而不至者
天威咫尺屢屢叮嚀諸臣能無惕然又非但白簡之
在旁已也且

皇上欽諭所覈之例餉卽諸臣日日遣官所領之月
餉夫計口而索之原有數目卽軍實而討之無
至混淆在領餉之官接踵既不苦迢遞在

之冊不報輒諫曰阻修臣殆不能爲諸

伏乞

天語再賜申飭務遵定限勿得仍前稽遲臣可任
息待

命之至

崇禎二年六月二十日具

題本月二十三日奉

聖旨這各鎮覈查例餉逾期不到到又不甚清楚
通行嚴飭依限確奏遲玩率略的一併叅處欽此

覆巡視太倉科道條陳收放事宜疏

題爲

祖宗之立法原有深意太倉之積弊倍宜肅清敬明
職掌冒列數款少贖庫務仰祈

聖鑒事邊餉司案呈崇禎二年五月初六日奉本部
送戶科抄出巡視太倉銀庫禮科等衙門給事中
中等官馮杰等題前事等因奉

聖旨這條奏各款切要可行着卽與議訂永爲規制
監督職司出納巡視掛卷糾察總要緊已嚴核直

是澄清若徒託空言圖飾目前一旦發露

三尺不輕恕饒該部知道欽此欽遵抄出到部
司奉此案呈到部該臣等看得古有左藏金之
太倉是也出納通天下之虛盈積貯筦軍

國之命脉泉貨所在弊蠹易生隄防特勤雀鼠猶
壯值此維新之會釐百度於清明惟茲典鑰之
司眎庶務而必飭宜乎巡視科臣馮杰等詳晰
立爲規條也款皆切要可行事更妥確有體臣
部伏奉卽與議訂之

旨除兌支一節該部項具

奏管見與科臣籌略同已蒙

俞旨頒行未敢再贅其餘逐款覆陳惟
聖明俯賜申飭俾著爲令克垂永久焉

計開

一速兌收以鼓外解

該臣等看得凡解銀入京者莫不欲刻期
交庫以免意外多虞自市猾營爲欺保名
色指會秤打點等項百計逗遛而解戶

任魚肉矣合如科臣等議銀到一
卽催寄外庫斟酌銀項卽爲兌發解役同
庫官及領餉員役三面親交痛革擅撥扶
盤等弊則解役所省無算其源源而至者
望都門如歸市矣伏候

聖裁

一覈事例以濟實用

該臣等看得事例款項最多易滋那移而
啓混冒如廩增附粟監印承等項一或假

借卽損例額其分蝕之則錙銖其總計
則鉅萬也合如科臣等議投呈到司務
查文結來歷給帖到庫務覆覈詭冒情弊
一切鎖管請托痛行禁絕其有通國冒僭
者事發納例人員與該司吏書併究庶
國用有實益而入貲者無倖門矣伏候

聖裁

一換厨役以防奸竇

該臣等看得太倉員役非支放時無論

者不入卽內者亦不出止有屏衛
供飲食一歲一換所以剔蠹而去積也
渴相沿出入自繇乃至有更名不更人者
恐奸與日而俱長矣合如科臣等議時
搜簡實爲更換是在監督加之意耳伏候

聖裁

一懲書役以絕稔奸

該臣等看得庫書之用小帽者緣官帽
辦職在收放額設小帽二名以代繕寫

役耳浸假而庫簿視爲家帳盤據引其類所爲穴弊詎止繩鋸水滴也合如科等議置櫃於庫一切冊籍貯藏其內每放畢監督卽令該書登簿就行封鎖禁攜帶出外仍限書役一年一換有戀役者許巡視二臣挈究則奸不緝而自清矣候

聖裁

一嚴開銷以防冒支

該臣等看得開銷不慎是該之員推
諸款俱有開收實在而閑俸獨無俾或
采薪者無憑稽查而溘焉捐館者未卽
報也漏卮之謂何合如科臣等議請今
該衙門每遇支領官俸卽將該衙門在
在差官實應領俸若干員告病丁憂事
皆于員開具管收除在文冊仍具不致
捏印信甘結投遞到庫方准支放有冒
者定向見在同官名下追回如此立法

無濫支者矣伏候

聖裁

一課久任以責成效

該臣等看得人視其官若傳舍官視其職若蘆廬卽有良法美意亦半阻於沿革故責成效以久任科臣等議是也惟是庫監督一差向來舛陋相沿非資望俱隆者慮無以剔釐而勝其任乃自負遠大者又多推避不屑勉承皆迫之而始赴者

重以佳勞任總攝之年不特河漢
甲科借此脫穎亦謂朝氣可用無難於
刷耳如限以三年獎之優擢正足以酬
勞第恐日後議其旁者且謂戀擅而不
割也彼膺是任者將無日隕越而靡寧
合無仍照舊規差以一年爲滿此又酌
祖制稍爲折衷而未敢盡徇科臣等之議者也伏
聖裁

崇禎二年六月二十二日具

題本月二十六日奉

聖旨這條奏太倉銀庫數款既議釘妥確便卽與由
飭務期永久遵行欽此

覆大同撫臣請發通倉本色疏

題爲時常異荒餉反久缺軍情萬分危急再懇

聖明立

勅解發以保衝邊事邊餉司案呈崇禎二年六月

一日奉本部送戶科抄出大同巡撫張宗衡題

前事等因奉

聖旨據奏大同斗米五錢深軫朕心着戶部速行酌
議於應發月餉內量發附近或通倉本色扣給運
價聽該鎮差官運充額餉其二運餉銀到日該撫

道官亦當量留拆色道官就近收糴或平糴或
放設法區畫不得坐聽騰踊但憑呼籲山西
民運本折着該布政司不拘何項作速那解自行
回奏本鎮額貯倉糧戶部查餉司原報實在文冊
覈數具奏該衙門知道欽此又於六月十五日奉
本部送戶科抄出督師王象乾題同前事等因
奉

聖旨已有旨了該衙門知道欽此又於六月二十六
日奉本部送戶科抄出直隸巡按葉成章題同

前事等因奉

聖旨已有旨了該部知道欽此欽遵通抄到部送司
奉此除二運餉銀到鎮聽撫道官量留折色填
官就近收糴或平糴或搭放設法區畫及山西
欠解民運本折勒令布政司那解自行回

奏並移咨各該巡撫外該臣等看得雲中一鎮係
虜之慘逢歲之凶真所謂兵荒交值予遺靡有
者近且穀價翔貴斗米五錢且無糴處臣等謹
撫臣等告急之疏未始不掩牘而嘆誰是司計

而今我國孔棘至此極也臣部力爲揄揚
二年春夏額解雖已完敷其奈金粟俱絕一旦
餉銀不能療數日之饑何忽奉

恩旨乃粒饑軍臣竊翹首爲雲人慶此非移粟之政
而寔雨粟之

天也伏查新舊餉司交代文冊實在項下備開糧石
萬九千五百九十八石九斗零粟米二萬四千
九百一十九石九斗三升小麥六百七石二斗
七升零粟穀一千一百六十一石三斗五升

料五萬四千六百七十三石零莞豆二萬二千
二百一石九斗二升黑豆五千六百四十二石
四斗五升零共一十七萬八千八百四石八斗
二升零除料豆係飼馬所用其餘糧石僅九萬
六千二百八十七石四斗五升零耳雲兵約八
萬有奇計口而分人可石餘冊報係五月二十
三日距今浹月此或已經散盡卽有存貯者想
亦無幾再查該鎮附近地方惟有太原府屬州
縣先是臣於去年十一月內題覆該撫告饑

疏內稱山西各倉積穀頗多請據奏
談且移粟不越境內估價抵算民運等因奉
欽依已經通行竟未回報自此之外臣安所得本
而餉此雲人也臣等再四籌度萬分無措計
有通倉之米然係

京師倘命目今倉廩方苦空匱似非臣等可得
議惟是

明旨及之臣等敢不仰承

德意近接撫臣手書求量給漕糧二萬石便所

秋成活該鎮垂斃之衆第糧已入倉者再行盤
出未免費事擬於新到漕糧內派給隨行令通
糧廳郎中丁流芳等議派去後近據稟稱新糧
報到今已有二萬餘欲足三萬之數或旦夕可
待者機會所奏既可免盤剝之轉移就船起輸
猶可省開倉之煩費借此以報

聖諭并紓本部苦心等因到臣隨該臣等覆酌應於
新到未入倉通糧撥給雲中三萬石更爲捷便
至於扣給腳價一節查通倉抵該鎮七百餘里

自通倉徑上昌平至該鎮交界地名天城鎮
五十里臣商之該鎮鄉紳天城抵鎮管堡僻遠
但有糧到天城人自競爲搬取每石每百里議
給腳價一錢或車或騾聽該鎮解官自行雇覓
計五百五十里當用價一萬六千五百兩連原
米三萬石作銀三萬兩共算年例餉銀四萬六
千五百兩夫以一斗五錢爲數卽有四萬六千
餘兩不能買米一萬石而一旦得糧三萬石則
皇仁之浩蕩其所飽滿有寧有涯涘耶伏乞

聖明俯賜俞允容臣一面移文總督倉場分撥糧石
一面移文該撫速行委官領價搬運庶含哺者
皆頌

思文而得生者倍揚我武矣然臣竊有請焉此一役
也撫臣轉陸海而爲雲人乞命我

皇上輓天河而惠雲人以更生糧石脚價臣部悉索
敝賦豈敢有靳乃臣所廩廩者運糧至三萬石
所用車騾甚多尤恐一時未能卒辦重以山路
崎嶇秋雨連綿責之比肩方軌寔難卽該鎮前

所請臨德倉米今尚未知已盡達否此項通
度非累月不能運完至累月而秋已深矣倘
穀之既登米價未敢預定若勞費正等則不
如其已是在該撫臨時自行斟酌行止而非
臣部之所敢預擬也臣可任悚息待

命之至

崇禎二年七月初四日具

題本月初七日奉

是着速行撥運該衙門知道欽此

遵 旨查奏賦額存留款項疏

題爲遵

旨查奏事邊餉司案呈崇禎二年七月初五日奉本部送戶科抄出該本部題前事等因奉

聖旨這奏新餉加派蠲留雜項數目甚悉但周夢尹原疏正餉每畝約以三分起解如何太倉歲入反不及九釐所入還着查明奏來蠲留數內如新兵已經汰裁卽應扣還解額及雜項認報欺緩漫不急公者叅奏駁查勿得徇隱五弊原無知道了不

妨愈加釐剔該衙門知道欽此欽遵抄出到部
司案呈到部除蠲留數內新兵已經裁汰者行
令扣還解額及認報雜項欺緩漫不急公者臣
等申飭叅駁不敢徇隱祇承

明旨竭蹶釐剔外惟是每畝起解三分如主事周夢
尹原疏所稱者臣敢不查明恭奏夫田賦之有
存留起解也可按籍而覆視起解之有本色折
色也亦可分款而稽核謹按崇禎會計冊所載
寓內見額田地七百八十三萬七千五百二十

四頃有零所載太倉每年額入以充邊餉者寔
該銀三百一十萬五千有零然內仍有在京衛
所屯糧秋青鹽課鈔課贓罰備邊缺官吏農事
例等項約居過半其實自地畝起解者僅一百
五六十萬耳取一百五六十萬之銀坐派於七
百八十三萬七千五百二十四頃有零之內雖
有雲貴四川廣西等處截留餉銀並北直抵買
遼豆銀共四十八萬五千有零計畝而論爲數
幾何卽如夢尹浙江人也浙江一省額地四十

八萬一千八百七十一頃有零所稱天下雄
財賦之鄉實計解入太倉充爲邊餉者共銀五
萬六千五十四兩零計畝而論僅得一二釐耳
卽此以例其餘地土有肥瘠則例有差等恐一
畝之起解固有不止三分者亦有不滿三分者
而三分之起解實未盡入太倉而充邊餉也請
以起解款項言之如漕糧則四百萬白糧則三
十餘萬而南糧不與焉金花則百餘萬民運折
色則三百五十六萬餘

內供絹布花綿蠟茶芝蔴硃漆紅花桐油桐鉛膠
攀槐花茜草等項暨於兵部之柴薪工部之料
價及

內供本色織造段疋柴炭軍器等項動以數百萬
計此外則爲本色民運米麥粟豆等項亦以百
餘萬計而又有

王府祿糧河工站價科舉公費廩俸工食等項又
不啻幾百萬凡此廣浩繁賾不可枚舉孰非賦
自地畝則計歲入太倉歲充邊餉者真無異焉

體之毫末也以上各款凡屬起解者槩列崇禎會計冊內凡屬存留者備列各省直賦役全書內此時尚未解齊臣不敢臆定的數故約略言之先行奏覆俟繕修完日恭進

御覽仰惟

天鑒日臨之下自當

洞照無遺者也至於夢尹憂時心切裕

國念愍見有可以講求裨軍儲而釋

宵旰者慷慨披陳未遑細問條目乃其急公雅志臣

所欣慕賦役一書慙慙寔多今方集思廣益共
襄

大典則又臣寔借手以從事者矣臣可任隕越待
命之至

崇禎二年七月十八日具

題本月二十二日奉

聖旨覽奏額賦起解存留欸項知道了欽此

找發宜大元年京運并辦多開欠數疏
題爲三雲頻值多艱兩運忽從中斷仰懇

聖明亟

勅戶部立刻解發并嚴催兩省民運以救艱危事
過餉司案呈崇禎二年閏四月二十八日奉本部
送戶科抄出大同巡撫張宗衡題前事內稱雲
鎮崇禎元年迭欠京運五萬五千七百九十七
兩山西河南兩省迭欠民運本色糧七千九十
一石折色銀一十七萬一千四百餘兩此皆

鎮額供一年之用一毫不可少一刻不容緩
而遷延隔歲視拖逋爲故常以致登埤乘障之
夫枵腹啼饑修邊挑濠之需延頸待領而捕盜
之撫賞市本數十萬又屢奉督師之令照舊給
領者倘延遲不發夷情反覆藉口生釁咎將誰
諉至於山西河南二省民運臣等例當馳檄往
督然催促徒煩而杳然不應非仰藉

天語叮嚀恐無以儆怠緩而急轉輸也伏乞

皇上軫念邊地凶荒需餉甚急

勅下戶部將前迭欠京運五萬五千七百九十七兩
卽刻措發差官領運前來接濟緊急支用其山東
西河南二省民運本色糧七千九十一石折色
銀一十七萬一千四百餘兩亦望

嚴勅該部馳檄督催盡數起解庶軍餉虜賞有資而
內安外攘無虞矣等因奉

聖旨這崇禎元年迭欠京運餉銀着卽與措發民運
本折嚴行催解毋悞急需該部知道欽此又該直
隸巡按葉成章題同前事等因奉

聖旨已有旨了該部知道欽此欽遵通抄到部

又崇禎二年五月初三日奉本部送准宣府撫郭之琮咨爲請發年例銀兩事內稱宣鎮軍士月餉愆期今插酉雖爲初款而敖酉又值臨邊分兵設防時難久待查崇禎元年起至二年夏季止共該京運年例銀四十四萬八千九百二兩零反欠一十一萬三百四十餘兩三軍之命將何以支煩請速賜給發等因并送到司案查大同鎮崇禎元年額該年例銀四十五萬六

百三十八兩崇禎元年三月初五日起至崇禎
二年正月二十四日止共扣發過銀四十四萬
四千八百四十兩三錢二分七釐四毫七絲二
忽未發銀五千七百九十七兩六錢七分二釐
五毫二絲八忽又該新發撫賞銀二萬五千兩
崇禎元年九月十七日發二萬五千兩又該補
發

內帑充撫賞銀五萬兩十二月二十七日發二萬
五千兩崇禎二年二月二十三日發二萬五千

兩以上共發過撫賞銀七萬五千兩全案
部已於崇禎二年二月十四日題

知訖今據該撫題

請年例之數多開欠銀五萬兩隨經移剗大同餉司
行查去後續據回稱崇禎元年六月內請發

內帑十萬抵充餉銀後經督師尚書王象乾具題
奉

旨將五萬扣作餉額補發五萬同前戶兵二部原發
撫賞五萬共成十萬備一應鼓撫等項動支

職遵將前貯五萬算作餉銀解交陽和五萬以
備軍前支用本職並未經手算作未完之數
撫院題數與本部發數參差等因據冊細覈
過月日數目與餉司覆查無異實欠元年未發
銀五千七百九十七兩六錢七分二釐五毫二
絲八忽卽於五月十七日說堂照數找發訖再
查宣府鎮崇禎元年額該年例銀二十九萬九
千一百五十六兩七錢崇禎元年三月初三日
起至崇禎二年正月初五日止共扣發過銀二

十八萬八千五百五十七兩五錢三分八厘
發銀一萬一千一百九十九兩七錢該本部
於崇禎二年二月十四日題

知訖今據該撫咨催前來又該本部查扣保定民
抵充年例銀五千二百二十九兩九錢實止不
元年米發銀五千三百六十九兩二錢六分三
釐卽於六月初六日說堂照數找發訖擬合題
覆案呈到部該臣等看得宣大二鎮比年月餉
迭欠數多實未有全完者去歲兵荒交值釐

載道殍殣滿目呼籲時聞

皇上旣出帑金惠之生全復厯

明旨諭令臣部措發臣等恭承

天語仰體

聖心但遇外解一到寧置各邊先給二鎮其大同巡

撫疏內多開欠銀五萬緣內帑五萬奉

旨扣作撫賞解赴陽和餉司原未經手以此算作未

完今已查明改正二鎮未發銀兩俱經找發全

完蓋兩鎮勢同犄角而饑饉虜患異常臣誠不

敢作緩急觀也客歲旣完額餉於先今歲
額餉於後臣又不敢作差殊觀也臣之所爲
黔技而効補苴者止此矣緣係找發元年錢糧
又大同所開銀數不無異同故敢據實臚列

上聞至於大同元年民運折色山西河南共欠至
十七萬一千四百餘兩而山西尤多今山西
麥已收秋成在邇政不得復以灾荒借口者
宣府民運折色客歲北直山東河南等處完
頗夥而自春夏以來起解亦復稀濶豈其始

而終怠乎統借

天語叮嚀申飭督令速行完解以佐京運之所不及
則邊陲不苦於枵腹而臣部亦得逭於臯戾矣
臣無任悚息待

命之至

崇禎二年七月二十七日具

題八月初四日奉

聖旨這找發宣大元年京運額餉全完并大同多開
欠數嚴錄知道了省直拖欠民運該撫按作速催

解接濟不得再稽欽此

登答方關院薊密永三協兵餉疏

題爲兵實虛而議汰餉應盈而云詘謹就臣查核
確數據實

上陳仰祈

聖鑒事專理新餉邊餉司案呈崇禎二年七月十三
日奉本部送戶科抄出巡按直隸監察御史方
大任題前事等因奉

聖旨兵虛餉冒動輒危詞告急年來積弊相沿殊可
痛恨據奏薊密永三協官兵虛曠名數餉額宜充

反誦所問樞計二臣諸款着逐一登答奏來不
含糊塞責該部知道欽此欽遵抄出到部送司
呈到部除事隸樞部者聽樞臣奏覆外臣待罪
司計伏自上歲八月受事以來日夜拮据湊泊
轉輸興幸庶幾少敷顧臣部之見年坐發者較
往時倍多而各邊之以迭欠索臣部者視往時
倍急節該臣部奉有查核年例餉銀及主客是
餉之

明旨催檄如雨引領求一的冊去虛冒而按實錄計

時授食計口授餐步步都於見在做起使各邊
官軍曉然知

皇上之德意自今伊始必無有一處一日之不飽滿
凜然惕

朝政之清明自今伊始必無有一錢一粒之可影
借俟行之少久物力漸充於以陸續補完舊欠
臣所刻刻打算者不勝牛馬私願而無奈其積
緩不應也茲關臣疏稱核有確數矣伏蒙我

皇上垂問及臣矣臣將以問臣者執以問之薊密永

臣仍以問薊密永者執以問之各邊臣安敢無
說而處此臣又安肯含糊塞責日求實錄而反
滋虛冒耶關臣疏稱舊兵歸舊管食舊餉新兵
歸新管食新餉緣無定管致無定餉夫管之定
與否臣不敢知第查臣部所發者舊餉則屬邊
餉司制付舊庫有巡視科院在焉新餉則屬新
餉司制付新庫有督餉御史在焉固截然不容
紊者及齎至該鎮或各另攸分或通融措放臣
亦不及知然而月報季報猶然分款項也近亦

有 奏繳到

御前者可覆視也關臣之言曰舊餉則京運民運是
已二運未減舊兵缺額實多而奈何舊餉之日
匱也且查核過崇禎二年兵馬見在數目通計
薊密永本沂色糧布料草乾銀止應支九十一
萬三千一百六十三兩六錢二分一釐比萬曆
四十八等年舊額少支銀三十一萬六千七百
二十五兩七錢二分九釐四絲則舊餉是否應
盈夫舊餉之應盈固也而何以不足也舊餉之

足不足通九邊而言者也

國初年例甚少。隆自土木庚戌之變。設兵愈衆。軍
例愈增。逮於隆萬之季。日新月盛。而始稱不足
矣。萬曆年間。臣部老庫猶有銀八百萬。同寺老
庫亦有銀一千二百萬。那借應急。陸續殆盡。故
今帑藏一空。無可那借。兼以遼左被兵。舊餉款
項多被新餉暗侵。隨致正額日縮。而愈稱不足
矣。他鎮缺餉。不啻薊門。安望有餘剩也。臣伏查
薊密永三鎮原額京運銀一百八萬二千一百

二十九兩九錢六分原額民屯鹽銀一十二萬
一千六百九十二兩五錢三分二釐二項共銀
一百二十萬三千八百二十二兩四錢九分二
釐客歲督撫共清汰節省三鎮銀二十六萬六
千五百七十三兩五錢一分六釐七毫零俱抵
年例之數實存銀九十三萬七千二百四十八
兩九錢七分五釐二毫四絲七忽九微內薊鎮
該京運銀二十九萬五千五百五十三兩六錢
四分二釐七毫五忽民運銀五萬四千四百八

十六兩六錢九分屯折銀三千八百六十八兩
九錢八釐長蘆鹽引銀一萬三千五百八十二
兩三錢四分五釐密鎮京運銀二十七萬八千
三十四兩九錢五分一釐七毫民運銀一萬二
千一十九兩四錢六分九釐屯折銀七千六百
七兩七錢二分永鎮該京運銀二十四萬二千
九百六十七兩八錢四分八釐八毫四絲二忽
九微民運銀二萬七千一百二十八兩四錢長
蘆鹽引銀四千兩而三具本色民屯米豆

二十九萬一千九百二十石三斗三升六合
屯草四十六萬三千九百二十七束不與焉不
知關臣所報應支之數果單言折色乎抑合本
折而通論乎卽單言折色已有二萬四千之餘
數如本折俱括則從前之浮冒無算矣加以近
日三協逃亡事故所應存積又復不貲且客餉
奉

旨清覈亦未具報此則節年有餘之數也關臣原據
各道開報親自點查確莫確焉今不可不亟問

督撫責成各道查明覆奏前報關臣應支
數目果單言折色乎抑兼本色論也要見某營
官軍馬騾若干用餉若干通共一鎮用餉若干
攢造經制清冊是否果與前數穩合以後但有
逃故募補按季開報官軍馬騾時有增損則糧
料本折臣部亦憑以爲盈縮又安敢以今日十
萬五千九百六十八員名之數爲額而令軍
不補馬倒不買也此舊兵先今之餉額也關臣
之言曰新餉則地畝加派是已加派未蠲新

缺額亦多而奈何新餉之日詘也且查核過崇禎二年兵馬見在數目通計薊密永止應支本折色糧布料草乾銀六十四萬七千六百四十一兩八錢一分五釐五毫四絲比大啓元年舊額少支銀二十萬三千六百七十七兩四分零則新餉是否應盈夫新餉之應盈固也而何以不足也新餉之足不足通關寧天津東江等處而言者也自遼事初熾徵調四出用餉如流加派一議始於萬曆四十六年遞加至每畝九釐

則始於萬曆四十八年也就天啓元年創
設立新兵之日論之彼時

內帑充溢輦金分馳原非專靠加派銀兩臣部
任尚書李汝華刊有

皇恩大賚一錄備載累年發

帑數目臣簡閱之自萬曆四十八年七月起至天
啓四年十一月終止共發過

帑銀一千九百三十八萬有奇餉安得不盈迄今
內帑空虛無論已卽加派一項漸積蠲留至一

七十六萬有奇餉額安得不缺然數年以來止
稱入額有缺而未至出額有欠其勉強補苴之
故已備陳於新餉入額疏中矣幸賴諸臣協力
清覈客歲薊密永三鎮督撫共清汰節省銀九
萬四千零二兩三錢三分八釐七絲八忽今薊
鎮每歲尚該銀二十九萬五千一百七十二兩
四釐二毫密鎮每歲尚該銀二十七萬六千二
百四十四兩六錢五分九釐六毫五絲永鎮每
歲尚該銀一十七萬八千三百八十兩九錢八

釐七絲二忽以上通共該銀七十四萬九千
百九十七兩六錢六分一釐零昨歲三鎮新
月餉已照汰定新額扣發今歲督催外解次第
接濟三鎮七月新餉已經發完較之關臣所開
六十四萬七千六百四十一兩零之數覺多銀
十萬有奇近日鼓譟之後又奉清兵之令逃亡
汰革爲數頗多然亦不應頓減如許毋亦昔有
召買米豆草束近改折色尚有掛漏而未詳者
未可知也今亦惟有亟問督撫責成該道會同

餉司查明覆奏要見前報關臣應支新餉數目
何視客歲清汰之數頓已懸絕如此卽分某營
新兵若干馬騾若干用餉若干通共一鎮用餉
若干攢造經制清冊是否與前數穩合蓋額項
當給者臣不敢緩冒濫當裁者臣亦不敢寬臣
錙銖積累新餉出入之數業已相當近日又奉
聖諭議汰薊密永新兵又督師袁崇煥有疏議裁登
津二鎮新兵則所省益多此後但禁借留催逋
欠當不復慮新餉之訕矣此新兵先今之餉額

也總之臣部所奉行者

國家之經制一鎮有一鎮之規例制以內臣不敢
不爲勉措制以外臣不敢擅爲增減但視兵馬
之額數以爲畫一臣部所難處者中外之匱乏
一日有一日之措辦多一分臣殫一分之心力
少一分臣省一分之經營惟望錢糧之款項早
有確核夫謀

國熱腸誰不如臣而釐奸冷面自非持斧巡方者
恐未能臨蒞其地燭照數計發向來互蒙之復

而洞若觀火也合俟薊密永該督撫道臣回報
無異後著爲

功令行各處巡按御史凡隸有兵馬錢糧者悉令
照依關臣逐一點查從實奏

聞勿復仍恣蠹冒庶

霄旰可以少釋而臣部亦得借手持循矣此外如營
路之倉場旣就近堆貯原設腳價自應省存馬
價之銀兩雖隸在太僕缺馬芻料自應存積客
兵之修工雖調自兵部佑工計餉自有司存客

臣問之該道與餉司也臣非謂鞭長不及馬腹故爲是層累轉卸要以務求的確以共襄關臣綜核之舉不妨兜底剖出未敢草率從事耳若保河民兵一節昨歲薊撫冊報遵化庫內保河民兵錢糧每年額該三萬九千六百二十八兩八錢內每歲節省銀一萬五千兩抵扣部發年例錢糧此其大畧也此項銀兩原與餉司無干乃若起自何年徵解何府州縣原額若干近日有無逋欠有無贏餘查天啓三年臣部曾經具

題近日臣屢移咨順天保定二撫催查亦未回
報似當併行查明催解作正支銷勿得任意通
負名存實亡亦勿恣行開銷虛糜浪費者也至
於汰兵之說從前章奏幾滿公車屢經兵部議
覆臣實未主其議今關臣謂舊兵缺額三萬三
千六百有奇新兵僅有三萬三千三百有奇若
以新數而補舊數數適相當良爲有見至督師
則欲以新兵一萬二千爲額兵部又欲以新兵
一萬八千爲額統候

聖明裁定歸一臣部惟有照數措發按期給發而已
關臣又云餉何以日詘或以見支爲定數旣曰
見支必無浮冒此真救時扼要之論而又謂耗
蠹之源全在文武通同內外串隱臣部又不啻
深切服膺矣謹據實披瀝登答入告

聖明并以質之關臣臣可任隕越待
命之至

崇禎二年八月初六日具

題本月初十日奉

聖旨據奏新舊餉見支與方大任奏應支數目舊餉多支三萬四千尚未明開本折欵項新餉多支十萬有奇因何異同有無掛漏該督撫按速責成該道餉司查明覆奏又朕前准陶崇道奏著巡按御史會同督撫鎮道查覈兵馬選補缺額今並未奏到都察院再移文立限與他凡隸有兵馬錢糧處所都照方大任例逐一點查從實奏來保河民兵銀順保二撫速查奏該衙門知道欽此